



Pānui Pāpāho: Kua whakateroa e Te Mātāwai he mahi rangahau hei hanga i tētahi putunga raraunga utu kore mō ngā mahi me ngā rauemi hei whakarauora i te reo Māori

11am 27 o Huitanguru 2018

E inoi ana a [Te Mātāwai](#) i te hunga kua whakarite, kua whai wāhi atu, kua tuku pūtea ki tētahi kaupapa, kua whakatakoto rauemi rānei hei tautoko i te whakarauoratanga o te reo, kia whakaoti mai i tētahi rangahau tuihono mō ā rātou mahi. Ko ngā pārongo ka kohia i te mahi rangahau o He Reo Ora, ka whakamahia hei hanga i tētahi putunga raraunga utu kore.

He hinonga motuhake ā-ture a Te Mātāwai, ko tāna kawenga ko te tautoko i te whakarauoratanga o te reo Māori i ngā kāinga me ngā hapori mā ngā iwi, mā ngāi Māori me ngā hapori reo Māori. Kua kirimanahia e Te Mātāwai a Te Wāhanga (NZCER) ki te hanga i te rangahau tuihono hei wāhanga o tētahi mahi rangahau whānui mō te whakarauora i te reo Māori.

Hei tā Te Atarangi Whiu, Tumu Whakarae o Te Mātāwai, “Ko tā mātou whakakitenga ko te whakahaumanu ake i te reo Māori kia noho anō ai hei reo ūkaipō i ngā kāinga me ngā hapori, nō reira he mea nui ki Te Mātāwai ngā pārongo hei toha māna, kia noho mātau hoki ia ki ngā mahi e mahia ana e ngā kaiārahi e mahi tahi ana ki ngā whānau.”

“He wāhi nui kei ngā kaupapa me ngā rauemi e whakaritea ana, e mahia ana e te tangata mā rātou ake, mā ō rātou whānau me ō rātou hapori, ki te whakarauoratanga o te reo.”

“He āwhina nui kei He Reo Ora ā-tuihono nei e kite whānui ai mātou i ngā kaupapa e whāia ana i te motu nui tonu.”

“Ina oti te rangahau tuihono a He Reo Ora, ka whakamahia e Te Mātāwai ngā pārongo ki te hanga i tētahi putunga raraunga utu kore hei āwhina i te tangata ki te kimi me te tuku haere i ā rātou kaupapa, ā rātou rauemi hei tautoko i a rātou i a rātou e takahi ana i te ara o te reo Māori.”

E kohia ai te whānui me te whāroa o te pārongo, kua tuhi atu a [Te Wāhanga NZCER](#) ki ngā rūnanga, ki ngā kaunihera ā-rohe, ki te hunga whai pānga ki te reo o ngā rohe, o te rāngai reo e hono ana ki Te Mātāwai, me ngā whakahaere ā-motu, ki te kōrero mō He Reo Ora, me te kimi tautoko i a rātou.

Ko te hononga ki [He Reo Ora](#) e tohaina ana i te paepāho, ka noho tuwhera ki te 6 o Paengawhāwhā 2018.

END

Mō ētahi atu pārongo, whakapā mai ki a:
Te Mātāwai—Roihana Nuri 021 225 7575
NZCER—Dinah Vincent 021 0273 8188